


撰集百緣經

籍

才三

四百廿四
經三

50941




元祿九年丙子二月日重脩

皇圖華國 帝階綴昌

佛日增輝 慧輪常轉

山城州天安寺法金剛院置



撰集百緣經卷第三

吳月支優婆塞支

謙譯

涇



授記辟支佛品第三

化生王子成辟支佛緣二十一

佛在摩竭提國將諸比丘漸次遊行到恒河
側見一故塔毀落崩壞無人修治時諸比丘

白佛言世尊此是何塔朽故乃尔無人補治
 尔時世尊告諸比丘汝等諦聽吾當為汝分
 別解說此賢劫中波羅捺國有王名曰梵摩
 達多正法治化人民熾盛極大豐樂無有兵
 革軍征闔諍災疫疾病饒諸象馬牛羊六畜
 及諸珍寶唯無子息禱祀神祇求索有子巨
 不能得時王園中有一池水生好蓮華其華
 開敷有一小兒結跏趺坐有三十二大人之
 相八十種好口出優鉢羅華香身諸毛孔有
 旃檀香時守池人以狀白王甚懷歡喜將其
 后妃往到園中見此小兒喜不自勝欲前抱
 取兒便為玉而說偈言

火王常所求。故來稱王願。見無子息故
今來爲王子。

爾時大王后妃姝女聞說此已莫不歡喜即
抱小兒還宮養育年漸長大隨其行處有蓮
華生身毛孔中有拏檀香因爲立字名拏檀
香時此小兒尋自觀察足跡行處所出蓮華
初則鮮好未久萎落便自思惟我今此身會
當歸尔心悟非常成辟艾佛身昇虛空作十
八變尋入涅槃尔時大王后妃姝女嗒天涕
哭攝其尸骸耶旬燒之收取舍利起塔供養
是故今者是彼塔耳時諸比丘復白佛言此
辟支佛宿植何福受斯果報唯願世尊敷演

解說。尔時世尊告諸比丘。汝等諦聽。吾當爲
汝分別解說。乃往過去無量世中。波羅捺國
有佛出世。号曰迦羅迦孫陀。於彼法中。有一
長者。財寶無量。不可稱計。其父崩亡。子與其
母各自分居。時長者子甚好色。欲見一媼女
甚適其意。以金百兩方聽一宿。漸經多年。財
物蕩盡。更無所與。遮不聽宿。慙懃求請。願見
一宿。媼女語言。汝今若能得一好華來。與我
者。聽汝一宿。時長者子每自思惟。我今家中
無有財物可用。買華以遺媼女。思惟是已。今
王塔中必有好華。我當盜取。持用與之。可得
止宿。然彼塔門有人守護。無由得前。尋從伏

竇入其塔中盜取好華以與媼女乃聽止宿
至於天明其人身體生諸惡瘡甚患苦惱痛
不可言喚諸良醫以瞻療治云須牛頭拈檀
用塗瘡上可得除愈時長者子深自思惟家
無財物即賣舍宅得六十萬金錢尋用即買
牛頭拈檀方得六兩頓用塗瘡語良醫言我
今所患乃是心病汝今治外乃可差乎作是
語已即持所買牛頭拈檀擣末六兩入其塔
中發大誓願如來往昔修諸苦行誓度衆生
隨其厄難我今此身墮一生數唯願世尊慈
哀憐愍除我此患作是誓已即以所未牛頭
拈檀二兩用償華價二兩至心供養二兩求

哀懺悔瘡尋除差身諸毛孔有拏檀香聞此
香已喜不自勝發願出去緣是功德不墮惡
趣天上人中隨其行處生好蓮華身諸毛孔
恒有香氣佛告諸比丘欲知彼時長者子拏
檀塗塔者今此辟支佛是尔時諸比丘聞佛

所說歡喜奉行

小兒散華供養佛緣二十二

佛在舍衛國祇樹給孤獨園尔時世尊將諸
比丘著衣持鉢入城乞食至一巷中有一婦
女抱一小兒在巷坐地時彼小兒遙見世尊
心懷歡喜從母索華母即與買小兒得已持
詣佛所散於佛上於虛空中變成華蓋隨佛

行住小兒見已甚大歡喜發大誓願以此供
養善根功德使我來世得成正覺過度衆生
如佛無異尔時世尊見此小兒發是願已佛
即微笑從其面門出五色光遠佛三帀還從
頂入尔時阿難前白佛言如來尊重不妄有
笑以何因緣今者微笑唯願世尊敷演解說
佛告阿難汝今見此小兒以華散我不阿難
白言唯然已見此小兒者以華散我於未來
世不墮惡趣天上人中常受快樂過三阿僧
祇劫成佛号曰華盛廣度衆生不可限量是
故笑耳尔時諸比丘聞佛所說歡喜奉行
女人以金輪擲佛上緣二十三

佛在王舍城迦蘭陀竹林時彼國中有一商
主名曰淳婆將諸商客入大海中採其珠寶
其婦少壯容兒可觀憶望其夫晝夜愁念速
得還家即便往詣那羅延天所作咒言天
若有神不違人願使我夫主安隱速還我今
當作注三金銀瓔珞以報天恩若不還者我以糞注四
屎不淨臭處毀辱天身作是誓已未經幾時注五
果如其願安隱還家甚懷歡喜即造金銀瓔
珞環玊將諸侍從往詣天祠路值如來將諸
比丘入王舍城時彼女人見佛世尊三十二
相八十種好光明普曜如百千日心懷歡喜
欲以金銀瓔珞擲散佛上其從語言此非那

羅延天遮而不聽時彼婦女不從其教即以
瓔珞擲散佛上於虛空中變成寶蓋隨佛行
往見是變已深生信敬五體投地發大誓願
我今以此散佛瓔珞善根功德使我來世得
成正覺廣度衆生如佛無異發是願已佛即
微笑從其面門出五色光遠佛王巾還從頤
入尔時阿難前白佛言如來尊重不妄有笑
以何因緣今者微笑唯願世尊敷演解說佛
告阿難汝於今者見此婦女以金銀瓔珞散
我上不阿難白佛唯然已見此婦女者於未
來世下墮惡趣天上人中受諸快樂過十三
劫成佛号曰金輪瓔珞廣度衆生不可限量

是故笑耳。今時諸比丘聞佛所說歡喜奉行。
老母善愛慳貪緣二十四

佛在舍衛國祇樹給孤獨園時，彼城中波斯

匿王后宮妹女名曰善愛，年在老邁極大慳

貪，不好慧施，却坐飲食時，大目連欲化彼故

著衣持鉢，以神通力從地涌出，住老母前，從

其乞食。老母瞋恚，不肯布施飯食。已訖，有

殘果及洗器水臭而不噉。今時目連即從乞

索，老母瞋恚，尋即持與。目連得已，涌身虛空

作十八變。時彼老母見是變已，心懷信敬，歸

誠懺悔。即於其夜，便取命終。生曠野中，在一

樹下，食果飲水，以自存活。致經數時，波斯匿

王將諸群臣遊獵射戲馳逐群鹿渴乏欲死
遙見彼樹希望有水馳奔趣向去樹不遠有
火焰起遮不聽近但遙見人坐其樹下王即
遙問汝是何人在此樹下彼即答言我是波
斯匿王后宮姝女年在朽邁名曰善愛不好
慧施命終生此唯願大王慈哀憐愍爲我段
供請佛及僧使我脫此弊惡之身王即問言
爲汝設福可得知不彼人答言設福必得主
自當見尔時波斯匿王聞是語已勅諸兵衆
相去百步安置一人令聲相承還歸城內爲
其設供請佛及僧若彼得福使諸兵衆各各
承聲須臾聞我令知虛實尋即爲設請佛及

僧况願以竟彼樹下人百味飲食自然在前
時波斯匿王以知為實即於佛前深生信敬
佛為說法得須陀洹果尔時諸比丘聞佛所
說歡喜奉行

舍香長者請佛緣二十五

佛在舍衛國祇樹給孤獨園時彼城中有一

長者名曰舍香財寶無量不可稱計稟性賢

柔敬信三寶每自思惟我今此身及諸財寶

虛偽非真如水中月如熱時炎不可久保作

是念已往詣佛所前禮佛足却住一面而白

佛言我欲設供請佛及僧唯垂聽許佛即然

可還歸家中設諸餽饌遣使白佛食具已辦

唯聖知時。爾時世尊著衣持鉢。將諸比丘。往詣其家。受其供已。心懷歡喜。取一小鉢。在佛前坐。渴仰聞法。佛即爲其種種說法。心開意解。因發誓願。以此供養善根功德。使我來世得成正覺。廣度衆生。如佛無異。發是願已。佛便微笑。從其面門。出五色光。遶佛三匝。還從頂入。爾時阿難而白。佛言。如來尊重。本妄有笑。唯願世尊。敷演解說。佛告阿難。汝今見此。舍香長者。請設餽饍。供養佛僧。不阿難白言。唯然。已見此大長者。以是供養善根功德。於未來世。九十劫中。不墮地獄畜生餓鬼天上。人中。常受快樂。最後身得成辟支佛。号曰舍。

香廣度衆生不可限量是故笑耳今時諸比丘聞佛所說歡喜奉行

船師度佛僧過水緣二十六

佛在摩竭提國將諸比丘漸次遊行到恒河側時有船師住在河邊佛告船師汝今爲我

度諸衆僧船師答曰與我價直然後當度佛

告經三船三匠我亦船師於三界中互相濟度出生

死海不亦快乎如鶖掘摩羅瞋恚熾盛殺害

人民我亦度彼出生死海如摩那答陀極大

憍慢界下他人我亦度彼出生死海如憂留

頻螺迦葉愚癡偏多無有智慧我亦度彼出生

生死海如是等比無量衆生我亦當皆度出生

生死海盡不索直汝今何故特從我索然後
度人尔時世尊如是種種與其說法心遂堅
固而不肯度時河下流復有船師聞佛所說
心懷歡喜便前白言我今爲佛度諸衆僧佛
即然可莊嚴船舫喚僧乘船時諸比丘或在
虛空或在中流或在彼岸時諸船師見佛及
僧現如是等種種神變甚懷信敬歎未曾有
敬禮佛僧佛即爲其種種說法心開意解得
須陀洹果時船師索價直者見後船師度佛
僧竟復見神變深生慚愧即便以身五體投
地歸誠白佛至心懺悔請佛及僧佛即然可
還歸家中設諸餽饍百味飲食手自斟酌供

佛僧已取一小牀在佛前坐渴仰聞法佛即
爲其種種說法心開意解因發誓願以此供
養善根功德使我來世得成正覺廣度衆生
如佛無異發是願已佛便微笑從其面門出
五色光遠佛三帀還從頂入尔時阿難而白
佛言如來尊重不妄有笑以何因緣今者微
笑經三唯願世尊敷演解說佛告阿難汝今見是
船師慚愧自責設供懺悔不阿難白言唯然
已見彼船師者以是懺悔設供功德於未來
世經十三劫不墮地獄畜生餓鬼天上人中
常受快樂於最後身得成辟支佛号曰度生
死海廣度衆生不可限量是故笑耳尔時諸

比丘聞佛所說歡喜奉行。一、
婢使以拈檀香塗佛足緣二十七
佛在王舍城迦蘭陀竹林時彼城中有大長
者有一婢使稟性賢善敬信三寶每於一時
為其大家摩拈檀香暫出門外見佛世尊著
衣持鉢將諸比丘入城乞食心懷喜悅尋還
入內取少拈檀塗佛足上佛足神力令此香
雲飄颻垂布遍王舍城時彼女人見是變已
倍生信敬即便以身五體投地因發誓願以
此香氣供養功德使我來世永離貧窮下賤
之身早成正覺廣度衆生如佛無異發是願
已佛便微笑從其面門出五色光遠佛三帀

還從頂入。尔時阿難而白。佛言。如來尊重不
妄有笑。以何因緣。今者微笑。唯願世尊。敷演
解說。佛告阿難。汝今見是長者婢。使以栴檀
香塗我足。不阿難白。佛言。唯然。已見此長者
婢。以栴檀香塗我足。上善根功德。於未來世
九十劫中。身體香潔。不墮地獄畜生餓鬼天
上。人湮三中常受快樂。最後身得成辟支佛。号栴
檀香。廣度衆生。不可限量。是故笑耳。尔時諸
比丘聞佛所說歡喜奉行。

貧人拔提施佛。樵木緣二十八

佛在舍衛國祇樹給孤獨園。時彼城中有一

貧人名曰拔提。爲他守園。用自存活。每於一

日擔一樵木入城欲賣值城門中見一化人
語貧人言汝今若能持此樵木用與我者我
當施汝百味飲食時彼貧人聞化人語心懷
歡喜即便以木授與化人化人答曰汝今持
木隨我後來共詣祇洹當與汝食時彼貧人
即相隨遂到祇洹中見佛世尊三十二相八
十種好光明普曜如百千日心懷歡喜前禮
佛足即以樵木奉施世尊世尊受已挿著地
中佛以神力令此樵木須臾之間枝條生長
華果茂盛團圓可愛如尼拘陀樹世尊在下
結跏趺坐爲諸人天百千萬衆演說妙法貧
人見已心懷喜悅即便以身五體投地發大

誓願以此施佛樵木功德使我來世得成正覺廣度衆生如佛無異發是願已佛即微笑從其面門出五色光遶佛三匝還從頂入尔時阿難而白佛言如來尊重不妄有笑以何因緣今者微笑唯願世尊敷演解說佛告阿難汝今見是守園貧人施我樵木不阿難白言唯然已見彼貧人者以信敬心施我樵木善根功德於未來世經十三劫不墮地獄畜生餓鬼天上人中常受快樂最後身得成辟支佛号曰離垢廣度衆生不可限量是故笑耳尔時諸比丘聞佛所說歡喜奉行

作樂供養成辟支佛緣二十九

佛在舍衛國祇樹給孤獨園時彼國中豪貴
長者各自莊嚴著好服飾瓔珞環玕賣持香
華作偈伎樂皆共相將欲出城外遊戲自樂
到城門中值佛世尊將諸比丘著衣持鉢入
城乞食時彼諸人見佛如來圓光晃昱三十
二相八十種好光明暉曜如百千日各懷歡
喜前禮佛足作偈伎樂供養佛僧各以所捉
種種雜華而散佛上於虛空中變成華蓋佛
以神力遍覆舍衛時諸人等見是變已歎未
曾有即便以身各各五體投地因發誓願以
此作偈伎樂善根功德使我來世得成正覺
廣度衆生如佛無異發是願已佛即微笑從

其面門出五色光遠佛三匝還從頂入。爾時
阿難而白佛言。如來尊重不妄有笑。以何因
緣。今者微笑。唯願世尊敷演解說。佛告阿難。
汝今見此諸人等。不阿難白言。唯然。已見此
諸人等。以其作樂散華供養善根功德。於未
來世。一百劫中。不墮地獄畜生餓鬼天上人
淫三中。常受快樂。最後身得成辟支佛。皆同十一一號。
名曰妙聲。廣度衆生。不可限量。是故笑耳。爾
時諸比丘聞佛所說歡喜奉行。

劫賊惡奴緣三十

佛在舍衛國祇樹給孤獨園時。彼城中有一
愚人。名曰惡奴。心常好樂。處處藏竄。劫奪人

物用自存活時有比丘在於冢間坐禪行道
食時欲至著衣持鉢入城乞食時有長者見
彼比丘威儀庠序心生信敬即入舍內取一
張疊施彼比丘還詣冢間值彼賊人見是比
丘持疊來至便從索取比丘即與明日更來
復從索甌次復持與於第三日比丘乞食來
至房內復從索鉢時彼比丘作是念言唯此
一鉢當用乞食救濟性命彼賊復索無有厭
足今當設計授三自歸治彼賊人令使不來
作是念已即語賊言待我須臾止息小停當
與汝鉢賊聞是語即便坐待比丘取繩張施
爾索安置向內語彼賊言我今疲極不能故

起汝自申手內著向中我接汝鉢賊聞是語
尋即申手內著向中比丘挽索羅其手節繫
著牀脚比丘出外捉杖拷打唱言一下當歸
依佛痛不可言良久乃蘇種種呵責復更拷
打第二下者當歸依法倍復疼痛垂欲命終
良久復蘇轉更呵責第三下者當歸依僧賊
作念言今者拷我徹於心骨痛不可言若不
伏首授我四歸必定交死作是念已即便引
伏比丘解放走詣佛所高聲唱言今者世尊
實大慈悲勅諸比丘授我三歸脫不得死若
受四歸必死無疑無所歸仰余時世尊知彼
賊人心已調伏即為說法心開意解得須陀

洎果求索出家佛即告言善來比丘鬚髮自
落法服著身便成沙門精懃修習得阿羅漢
果三明六通具八解脫諸天世人所見敬仰
尔時諸比丘聞佛所說歡喜奉行

百緣經卷第三

涇

禱祀下音似萎落上音烏嗥天上音毫以遺下音去

伏竇下音豆遲得上音待環玕上音昌還下老邁

下音莫弊惡上音祭鴛掘下音勿愛鑿二音樵木上音白

揶著上音揶揣圓上音作藏竄下音算毳上音牒

索拊上音然羅索上音下向內上音憲

挽索上音晚拷打上音作疼痛上音冬

